

Na osnovu člana 28. i člana 30. stav 3. Zakona o Trezoru u Federaciji Bosne i Hercegovine ("Službene novine Federacije BiH", br. 58/02, 19/03 i 79/07), federalni ministar finansija - federalni ministar financija, d o n o s i

U P U T S T V O

O IZMJENI UPUTSTVA O OTVARANJU POSEBNIH NAMJENSKIH TRANSAKCIJSKIH RAČUNA, NAČINU PLANIRANJA, PRIKUPLJANJA, EVIDENTIRANJA I RASPOLAGANJA SREDSTVIMA SA POSEBNIH NAMJENSKIH TRANSAKCIJSKIH RAČUNA OTVORENIH KAO PODRAČUNA U OKVIRU JEDINSTVENOG RAČUNA TREZORA

1. U Uputstvu o otvaranju posebnih namjenskih transakcijskih računa, načinu planiranja, prikupljanja, evidentiranja i raspolaganja sredstvima sa posebnih namjenskih transakcijskih računa otvorenih kao podračuna u okviru Jedininstvenog računa Trezora („Službene novine Federacije BiH“, broj: 94/07) tačka 10. stav 2. mijenja se i glasi:

„Planirane donacije u budžetu Federacije BiH uplaćuju se na depozitni račun budžeta Federacije BiH sa oznakom vrste prihoda:

733111 - Donacije od domaćih fizičkih lica

733112 - Donacije od domaćih pravnih lica

733121 - Donacije od stranih fizičkih lica

733122 – Donacije od stranih pravnih lica“.

2. Ovo Uputstvo stupa na snagu narednog dana od dana objavljivanja u „Službenim novinama Federacije BiH“.

Broj: 07-

Sarajevo,

M I N I S T A R

Vjekoslav Bevanda

OBRAZLOŽENJE

ZA DONOŠENJE UPUTSTVA O IZMJENI UPUTSTVA O OTVARANJU POSEBNIH NAMJENSKIH TRANSAKCIJSKIH RAČUNA, NAČINU PLANIRANJA, PRIKUPLJANJA, EVIDENTIRANJA I RASPOLAGANJA SREDSTVIMA SA POSEBNIH NAMJENSKIH TRANSAKCIJSKIH RAČUNA OTVORENIH KAO PODRAČUNA U OKVIRU JEDINSTVENOG RAČUNA TREZORA

I ZAKONSKI OSNOV ZA DONOŠENJE UPUTSTVA

Zakonski osnov za donošenje Uputstva o otvaranju posebnih namjenskih transakcijskih računa, načinu planiranja prikupljanja, evidentiranja i raspolaganja sredstvima sa posebnih namjenskih transakcijskih računa otvorenih kao podračuna u okviru Jedinostvenog računa Trezora sadržan je u članu 28.i članu 30. stav. 3. Zakona o Trezoru u Federaciji Bosne i Hercegovine («Službene novine Federacije BiH», br. 58/02. 19/03 i 79/07).

II RAZLOZI ZA DONOŠENJE IZMJENE UPUTSTVA

Stupanjem na snagu novog Pravilnika o knjigovodstvu budžeta u Federaciji Bosne i Hercegovine, kao i novog Analitičkog kontnog plana za budžet i budžetske korisnike, kao sastavnog dijela Pravilnika („Službene novine Federacije BiH“ broj:

1/11) nametnula se potreba za izmjenom Uputstva o otvaranju posebnih namjenskih transakcijskih računa, načinu planiranja prikupljanja, evidentiranja i raspolaganja sredstvima sa posebnih namjenskih transakcijskih računa otvorenih kao podračuna u okviru Jedinstvenog računa Trezora, u dijelu kojim je propisan način prikupljanja i evidentiranja uplaćenih namjenskih sredstava, budući da je došlo do izmjena analitičkih konta.

III OBRAZLOŽENJE PREDLOŽENIH PRAVNIH RJEŠENJA

U tački 10.postojećeg Uputstva, kojom je propisan način uplate kao i oznake vrste prihoda za uplatu neplaniranih i planiranih donacija u Budžet Federacije BiH, izvršena je izmjena konta na koja se vrši uplata planiranih donacija u Budžet FBiH , a u skladu sa izvršenim izmjenama u Analitičkom kontnom planu za budžet i budžetske korisnike.

IV FINANSIJSKA SREDSTVA ZA SPROVOĐENJE UPUTSTVA

Za provođenje Uputstva nisu potrebna dodatna finansijska sredstva u Budžetu Federacije BiH.